

<<Հաստատում եմ>>

Նոյեմբերյանի համայնքապետ

Կ. Արագյան

<<20>>

2017թ.

Ծրագրի անվանումը. Հաշմանդամ ընտանիքների բարեկեցություն՝  
հաշմանդամների բնատուր ունակությունների զարգացման և ներդրման  
ճանապարհով:

Ծրագրի նպատակը. Նոյեմբերյան համայնքի հաշմանդամություն ունեցող անձանց  
ընտանիքների կենսամակարդակի բարձրացումը՝ հաշմանդամների համար նոր  
աշխատատեղերի ստեղծման, սեփական արտադրանքը և մատուցվող  
ծառայությունները վաճառքի հանելու հնարավորության տրամադրման  
ճանապարհով:

Ծրագրի նկարագրությունը. Նոյեմբերյան խոշորացված համայնքը առաջնայնորեն  
կարևորում է համայնքի բնակչության սոցիալական պաշտպանության խնդիրը:  
Համայնքապետարանը իր բյուջեյի հնարավորության շրջանակներում իրականացնում է  
բարեգործական, օժանդակության, ենթակառուցվածքների ստեղծման առանձին  
ծրագրեր ու միջոցառումներ՝ օգնելով սոցիալապես խոցելի խմբերին, ծանր  
իրավիճակում հայտնված առանձին քաղաքացիներին և ընտանիքներին:  
Բնակչության սոցիալական վիճակի վատթարացումը առաջնահերթորեն  
պայմանավորված է գործազրկության բարձր մակարդակով: Հատկապես ծանր  
վիճակում են հաշմանդամները: Գաղտնիք չէ, որ նրանց համար անգամ նվազագույն  
վարձատրությամբ աշխատանք գտնելը մեր օրերում գրեթե անհնար է: Մակայն  
համայնքում բնակվող հաշմանդամների մեջ զգալի թիվ են կազմում ոսկեձեռիկ  
անհատներ, ովքեր վարպետացել են տնայնագործական իրերի և գործիքների,  
հուշանվերների, ավանդական արհեստագործական և կիրառական արվեստի  
նմուշների արտադրության մեջ: Այս գործում իրենց անուրանալի ավանդն ունեն  
սոցիալական պաշտպանության ոլորտում համայնքում ակտիվ գործունեություն  
իրականացնող հասարակական կազմակերպությունները, որոնցից աչքի են ընկնում  
<<Հույսի կամուրջ>> հաշմանդամություն ունեցող երեխաների զարգացման և  
սոցիալական աջակցության հասարակական կազմակերպության Նոյեմբերյանի  
մասնաճյուղը և <<Նոյ աստղ>> հաշմանդամների ընտանիքների աջակցության  
հասարակական կազմակերպությունը:

<<Հույսի կամուրջ>> ըստ էության իրականացնում է 7-18 տարեկան հաշմանդամ  
երեխաների սոցիալական զարգացման մանկավարժահոգեբանական  
վերականգնողական ծառայություններ: Դրանք ներառում են ոչ միայն կյանքի  
համընդհանուր հմտությունների այլև ըստ երեխաների անհատական բնատուր  
ընդունակությունների և նախասիրությունների՝ արհեստագործական և  
արվեստագործական հմտությունների ուսուցանումը և զարգացումը: Արդեն մեկ

տասնամյակից ավելի պատմություն ունեն «Հուլիսի կամուրջ» ՀԿ –ում գործող խեցեգործության, նկարչության և կիրառական դեկորատիվ արվեստի կենտրոնները, որտեղ Նոյեմբերյան համայնքի բնակավայրերի տասնյակ երեխաներ դարձել են արհեստավարժ իրենց սիրած գործում, ձեռք են բերել մասնագիտություններ: Այդ կենտրոններում մշտապես ներգրավված են ավելի քան 30 երեխաներ:

<<Նոյ աստղ>> ՀԿ-ում երեխաները հմտանում են ձեռագործների, խաղալիքների պատրաստման, սպիտակեղեն և հագուստ կարելու գործում: Այստեղ մշտապես հաճախում են 10-12 երեխաներ:

Տարբեր բարեգործական և դրամաշնորհային ծրագրերի շնորհիվ կենտրոնները հազեցված են տեխնիկական համապատասխան միջոցներով: Ուսումնական պրոցեսներն իրականացվում են հմուտ և փորձառու մանկավարժ-վարպետների կողմից: Խնդիրը կայանում է նրանում, որ արդեն չափահաս դարձած հաշմանդամ վարպետներից շատ քչերն են կարողանում իրենց համար արվեստանոց կամ արհեստանոց ունենալ, անգամ դրանց առկայության դեպքում կրկին ու կրկին առաջնային խնդիր է դառնում պատրաստի արտադրանքի սպառումը: Նոյեմբերյան քաղաքում արդեն վաղուց ծառայել է քաղաքային մանրածախ շուկա ունենալու հիմնախնդիրը: Պետական աջակցության շնորհիվ Նոյեմբերյան քաղաքի կենտրոնական հատվածում գտնվող, նախկին պոլիկլինիկային հարող պետական սեփականություն համարվող տարածքից համայնքին կնվիրաբերվի 2185 քառ. մետր հողամաս, որտեղ նախատեսվում է կառուցել քաղաքային շուկայական համալիր: Համալիրը, բացի համապատասխան արդի ենթակառուցվածքները, իր մեջ կներառի առևտրի բացօթյա տաղավարներ և փակ տաղավար-արհեստանոցներ: Այս ծրագրի շրջանակներում փակ տաղավար-արհեստանոցների մի մասը /50քառ. մետր ընդհանուր աշխատանքային մակերեսով/ անվճար կերպով կտրամադրվի հաշմանդամ վարպետներին, ովքեր ոչ միայն հնարավորություն կունենան վաճառքի հանելու իրենց աշխատանքները, այլև զբոսաշրջիկների և այցելուների աչքի առաջ, տեղում իրականացնելու դրանց պատրաստման գործընթացը: Վերջինս, անշուշտ, մեծապես կնպաստի արտադրանքի սպառման ծավալների աճին: Քաղաքային շուկան կունենա նաև այլևայլ ծառայությունների / վարսահարդարում, կոշիկների վերանորոգում, կարուձև և այլն/ սպասարկման կետեր, որոնք նույնպես հաշմանդամ արհեստավորներին կտրվեն անվճար հիմունքներով /նախատեսվում է մոտ 20քառ. մետր/: Համայնքը իր վրա կվերցնի նաև բոլոր վերոնշյալ հատվածների կոմունալ ծախսերը: Շուկայի համապատասխան տաղավարներում վաճառքի կհանվեն նաև «Հուլիսի կամուրջ» և «Նոյ աստղ» կազմակերպություններ հաճախող հաշմանդամ երեխաների ձեռքի աշխատանքները: Համագործակցելով տեղի և դրսի գործընկեր կազմակերպությունների ու բարեգործների հետ, համայնքապետարանը քաղաքային շուկայի տարածքում նախատեսում է կազմակերպել արհեստների ու արվեստների ամենամյա փառատոն, որի ընթացքում մասնավորապես կիրականացվի հաշմանդամ վարպետների ձեռքի աշխատանքների, ստեղծագործությունների և արտադրանքների ցուցահանդես –վաճառք: